

cælo Lucifer, q̄ mane oriebaris, qui in corde tuo dixisti, In cælum ascendam, super astra cæli ædificabo solium meum: Et bene quidem per montem diabolus designatur, quia omnes suos sequaces ad altiora prouocat, scilicet ad superbiam. De quo beatus Iob loquitur: Omne sublime uider, & ipse est rex sup̄ oēs filios superbiz. Sic e contra etiã dñs suos ad humilitatem semper prouocat, dicens: Discite à me, quia mitis sum & humilis corde. [Et gloriã eorũ.] Gloria mundi dicit, aurũ, argentum, uestes & lapides preciosos, & cætera amabilia uel transitoria mundi. Alius euangelista dicit, quod in momẽto, & in istu oculi ostendit illi omnia. Et bene, quia omnia quę uidentur, momentanea & transitoria sunt, sicut scripũ est: Et mūdus transit, & concupiscentia eius, & omnia uanitas. Alius nãq; dicit, quod ait dño diabolus: Omnia quę cernis mea sunt, & cui uolueris do ea. Tu autem si cadens adoraueris me, erunt tua omnia. Fefellit diabolus, & hoc per arrogantiã dixit, non per potentiã. Absit hoc ad intelligendum ut eius sit uniuersus mūdus. Neq; enim potest fore ut sit, sed illius est, qui cuncta ex nihilo creauit. Cuius nanq; sit, Propheta declarat, dicens: Domini est terra & plenitudo eius, orbis terrarum & uniuersi qui habitant in eo.

Joh. 41

Matth. 11.

i. Johan. 2

psalm. 23

SO FERIA SECVNDA
da post Inuocauit. Matthæi. XXV.

In illo tempore dixit Iesus discipulis suis: Cũ uenerit filius hominis in sede maiestatis suæ, & omnes angeli eius cum eo. Et reliqua.

Post biduum pascha facturus, pulche prædicite
 in maiestate ad iudicandum genus humanū uē-
 turum: ideo, ut quos contumelia terrebat supplicij,
 subleuaret etiam gloria regni. Et pulchre filius ho-
 minis in maiestate dicitur esse uenturus, quia pater
 non iudicat quenquam, sed omne iudicium dedit fi-
 lio. Et in iudicio, sola forma filij hominis appare-
 bit. Tūc sedebit super sedem maiestatis sue.
 Sedem maiestatis dei uel nubē, in qua ad cælos ascē-
 dit, cum qua etiam ad iudicium descensusus est, in-
 telligere debemus: uel etiam angelos & sanctos ho-
 mines, quibus præsidens iudicium in orbe agitabit.
Et congregabuntur ante eum omnes gētes.
Et separabit eos ab inuicem, sicut pastor segre-
 gat oues ab hœdis. In significatione electorū oues
 ponuntur, propter innocentiam. Electi autem oues
 dicuntur, quia imitatores illius sunt, de q̄ dicitur: Sic-
 ut ouis ad occisionem ductus est. Reprobi uero in si-
 gnificatione hœdorum ponuntur, quod lasciuum &
 perulans animal est, & quod in ueteri testamento p̄
 peccatis populi offerebatur. Et statuet oues a de-
 xtris, hœdos aut̄ a sinistris. Apud deum nō est
 dextra neq; sinistra: sed per dexteram magnitudo glo-
 riæ, p̄ sinistrā magnitudo supplicij designat̄. Statuet
 ergo oues a dextris suis, hoc est, electos in magnitu-
 dine gloriæ: hœdos autem a sinistris, hoc est, pecca-
 tores in supplicij æternis. Et dicet rex his quia
 dextris eius erūt: Venite benedicti patris
 mei, possidete paratum uobis regnum a con-
 stitutione mundi. Secundum præscientiam & præ-
 destinationem dei hoc debemus intelligere. Regnū

Johan. 5

Mat. 25

(inquit) quod uobis parauit a constitutione mundi, uenite & possidete. Omnipotens deus electis suis parauit regnum, & ipsos electos regno parauit. [Tunc respondebunt ei iusti, dicentes: Domine, quando te uidimus esurientem & pauimus &c. Iusti uel pro terrore & magnitudine domini ista loquuntur, uel propter magnitudinem remunerationis. Omnia etenim illius glorie imparia esse iudicatur. Amen dico uobis quoadiu fecistis uni de his fratribus meis minimis. mihi fecistis. Licet in omnibus pauperibus Christus recipiatur, & in omnibus illi elemosyna largiatur, tamen in hoc seculo illos specialiter designat, qui non corpore, sed spiritu pauperes sunt: qui sua pro deo reliquerunt, sicut fuerunt apostoli & imitatores eorum. Super quos dominus manus suas extendens, dicebat: Ecce mater mea & fratres mei. Et ibunt hi in supplicium aeternum, iusti autem in uitam aeternam. Sicut enim in scientia dei & predestinatione illius preparatum est sanctis regnum a constitutione mundi, ita etiam per inferni diabolo & angelis eius preparatum esse dicuntur, Frustra ergo dogmatizat Origenes diabolum & omnes reprobos post spatium mille annorum de inferno exituros, & ad gloriam uitae aeternae transferendos, cum dominus dicat: [Ibunt hi in supplicium aeternum.] Sicut enim gloria quam sancti in die iudicii accipient, aeternaliter erit, & sine termino, ita sine dubio poena dabitur aeternaliter reprobis.

FERIA TERTIA

post Inuocauit. Matthaei XXI.

In illo tempore: Cum intrasset Iesus Hierosolymam, commota est uniuersa ciuitas,